

T. ROWE PRICE

PERSÓNUVERNDARYFIRLÝSING (EMEA)

Þegar hugtökin „okkar“, „við“, „okkur“ eða „T. Rowe Price“ eru notuð í þessari persónuverndaryfirlýsingu eiga þau við fyrirtæki T Rowe Price sem tilgreind eru sem ábyrgðaraðilar gagna aftast í þessari persónuverndaryfirlýsingu. Þessi persónuverndaryfirlýsing fjallar um söfnun og notkun T. Rowe Price á persónuupplýsingum um einstaklinga utan T. Rowe Price („þú“, „þig“, „þér“ eða „þín“ í þessari persónuverndaryfirlýsingu). Við kunnum að af la persónuupplýsinga um þig með ýmsum hætti, til dæmis í tengslum við vöru eða þjónustu sem þú færð frá okkur, þegar þú heimsækir vefsvæði okkar eða ef þú ert fulltrúi annars einstaklings eða fyrirtækis, svo sem starfsmaður fyrirtækis sem er skjólstæðingur okkar, þjónustuveitandi eða mótaðili.

Þessi persónuverndaryfirlýsing útskýrir þær tegundir persónuupplýsinga sem við söfnum, hvernig við notum þær, hverjum við deilum þeim með, hvernig við verndum þær og lagaleg réttindi þín. Lestu eftirfarandi texta vandlega þar sem hann inniheldur útskýringar á sjónarmiðum okkar og starfsvenjum hvað varðar meðhöndlun persónuupplýsinga þinna. Hugtakið „persónuupplýsingar“ merkir upplýsingar sem unnt er að nota til að bera kennsl á þig sem einstakling, beint eða óbeint (annaðhvort einar sér eða samhliða öðrum tiltækum upplýsingum).

Tegundir persónuupplýsinga

Tegundir persónuupplýsinga sem við kunnum að safna og nota eru meðal annars:

- upplýsingar um einstaklinga, svo sem nafn og gælunafn, kyn, fæðingardagur, aldur, upplýsingar um vegabréf, kennitölur og skilríki, ljósmyndir, undirskrift, þjóðerni og menntun eða starfsferill;
- samskiptaupplýsingar, svo sem póstfang, netfang og síma-, fax- og farsímanúmer;
- atvinnu-/viðskiptaupplýsingar, svo sem heiti fyrirtækisins þar sem þú starfar, starfsheiti, staðsetning og starfsskyldur;
- upplýsingar um samskipti, svo sem samskipti í hljóðrituðum símtölum, tölvupósti eða með öðrum samskiptamáta og minnispointar um símtöl, fundi eða fyrirhugaða fundi;
- viðskiptaupplýsingar, svo sem upplýsingar um viðskipti, fyrirmæli, reikningsnúmer fyrir fjárfestingarsjóð á okkar vegum eða annan reikning, svo sem banka- eða vörslureikning;
- fjármála- og skimunarupplýsingar, eftir þörfum, svo sem um uppruna fjármagns og upplýsingar sem aflað er í tengslum við áreiðanleikakannanir vegna peningaþvættis og fjármögnun hryðjuverka, kannanir á viðskiptavinum, samanburð við lista stjórnvalda og álíka bakgrunnsathuganir og skimanir;
- upplýsingar sem varða reglufylgni, svo sem um beiðnir skráðra einstaklinga og fylgiskjöl, kvartanir, rannsóknir, upplýsingar um atvik og úrlausn slíkra mála;
- sérstakir flokkar persónuupplýsinga, svo sem upplýsingar um kynþátt þinn, þjóðerni, stjórnmálaskoðanir, trú eða lífsskoðun, aðild að verkalýðsfélagi, heilsufar, kynlíf eða kynhneigð eða sakaskrá;
- tæknilegar upplýsingar þegar þú heimsækir vefsvæði okkar, þar á meðal IP-tala, innskráningarupplýsingar, gerð og útgáfa vafra, auðkenni tækis, stilling tímabeltis og staðsetningarupplýsingar, gerðir og útgáfur vafraviðbóta, stýrikerfi og verkvangar, viðbragðstímar síðu og villur í niðurhali;
- upplýsingar um heimsókn þína á vefsvæði okkar, þar á meðal um vefsvæðin sem þú heimsækir áður en þú ferð á okkar vefsvæði og vörur eða þjónustu sem þú leitaðir að, fjölda heimsókna,

lengd heimsókna á tiltekna síðar, skoðaðar síður, upplýsingar um virkni á síðum (svo sem flettingar, smellir og bendli haldið yfir tengli), aðferðir við að vafra af síðunni og svipaðar upplýsingar um viðbótarefni sem hægt er að nálgast frá vefsíðum, til dæmis hvaða skjöl eru opnuð eða prentuð eða hvaða myndbönd eru spiluð og hve lengi; og

- valkostir og birtingar, svo sem val á auglýsingaefni, tungumál og birtingar sem deilt er með okkur.

Við kunnum að afla persónuupplýsinga beint frá þér eða fá þær frá öðrum aðila, svo sem vinnuveitanda þínum. Við kunnum einnig að safna persónuupplýsingum frá öðrum opinberum eða aðgengilegum upplýsingaveitum. Við kunnum einnig að skrá persónuupplýsingar um þig, til dæmis með skráningu á samskiptum eða viðskiptum við þig. Þegar þú heimsækir vefsvæði okkar kunnum við að nota kökur og aðra tækni til að safna persónuupplýsingum. Við vinnum úr öllum gögnum, sem við fáum frá þér eða öðrum aðilum eða sem við skráum, í samræmi við þessa persónuverndaryfirlýsingu. Frekari upplýsingar um notkun okkar á kökum má finna í [stefnunni um kökur](#).

Í sumum tilvikum kann að vera að þú veitir okkur persónuupplýsingar um annan einstakling. Í slíkum tilvikum er mikilvægt að þú hafir heimild frá viðkomandi einstaklingi til að veita okkur þessar upplýsingar, og að við höfum heimild til að nota þessar upplýsingar eins og lýst er í þessari persónuverndaryfirlýsingu.

Hvernig við notum persónuupplýsingar

Við notum persónuupplýsingarnar sem við söfnum frá þér og um þig í ýmsum tilgangi sem okkur er heimill samkvæmt lögum, eins og lýst er hér á eftir:

Tilgangur	Rökstuðningur
Til að veita fyrirtækinu þar sem þú starfar (eða þér beint) umbeðnar vörur eða þjónustu og tilheyrandi notendabjónustu og skýrslugjöf.	Þessi úrvinnsla er okkur nauðsynleg til að geta uppfyllt lagalegar skyldur, samningsbundnar skuldbindingar og/eða til að geta brugðist með skilvirkum hætti við kröfum þínum í samræmi við lögmæta hagsmuni okkar.
Til að gera áreiðanleikakannanir vegna aðgerða gegn peningabætti og fjármögnun hryðjuverka, kanna viðskiptavini, bera saman við lista stjórnvalda og framkvæma svipaðar bakgrunnsathuganir og skimanir.	Þessi úrvinnsla er okkur nauðsynleg til að geta uppfyllt lagalegar skyldur, samningsbundnar skuldbindingar og/eða sem hluti af lögmætum hagsmunum okkar í áhættustýringu.
Til að bregðast við spurningum þínum og óskum, þar á meðal svo við getum þekkt þig þegar þú hefur samband við okkur.	Við höfum lögmæta hagsmuni af því að vinna úr persónuupplýsingum þínum svo við getum brugðist við fyrirspurnum þínum og beiðnum með einstaklingsbundnum hætti, og uppfyllt þjónustuskuldbindingar okkar.
Til að sjá um innri skráningu og hafa umsjón með viðskiptasambandi okkar við þig.	Við höfum lögmæta hagsmuni af því að halda skrár yfir persónuupplýsingar þínar og uppfæra þær eftir þörfum. Við höfum einnig lögmæta hagsmuni af því að halda skrár yfir öll samskipti okkar við þig.
Til að stýra áhættu okkar, vernda lagaleg réttindi okkar og auðvelda okkur að bera kennsl á ólöglegt athæfi.	Þessi úrvinnsla er nauðsynleg til að uppfylla lagaskilyrði og/eða sem hluti af lögmætum hagsmunum okkar til að stýra áhættu í rekstri okkar eða til að beita eða verja lagaleg réttindi okkar.
Til að uppfylla lagaskilyrði og reglugerðir, þar á meðal um skattskil eða upplýsingagjöf til annarra eftirlitsyrivalda.	Þessi úrvinnsla er nauðsynleg til að uppfylla lagaskilyrði.
Til að tilkynna þér um breytingar á vörum okkar eða þjónustu.	Við höfum lögmæta hagsmuni af því að vinna úr persónuupplýsingum þínum í því skyni að geta tilkynnt þér um breytingar á vörum okkar eða þjónustu. Í sumum tilvikum þurfum við hugsanlega að vinna úr upplýsingum með þessum hætti til að fylgja lögum sem krefjast þess að við tilkynnum um breytingar.

Tilgangur	Rökstuðningur
Til að gera þér kleift að gerast áskrifandi og fylgjast með vörum eða þjónustu sem þú hefur áhuga á, og nota þessar upplýsingar til að sýna þér efni sem þú hefur gerst áskrifandi að.	Við höfum lögmæta hagsmuni af því að vinna úr persónuupplýsingum þínum svo við getum veitt þér áskrifarþjónustu, uppfyllt þjónustuskuldbindingar okkar og veitt sérsniðin svör við fyrirspurnum og beiðnum þínum.
Til að veita þér upplýsingar um vörur okkar og þjónustu (að því tilskildu að þú hafir samþykkt það þegar eftir því var leitað).	Áður en við vinnum úr upplýsingum þínum með þessum hætti munum við óska eftir samþykki þínu ef þess er krafist. Að auki verður þér gefinn kostur á að draga samþykki þitt til baka (hafna), en þessi valkostur er til staðar í öllum markaðssetningartölvupósti sem við sendum.
Til að setja upp og hafa umsjón með skráningu þinni á vefsvæðið.	Þessi úrvinnsla er okkur nauðsynleg til að geta uppfyllt lagalegar skyldur okkar, samningsbundnar skuldbindingar og/eða til að geta brugðist með skilvirkum hætti við kröfum þínum í samræmi við lögmæta hagsmuni okkar.
Til að tryggja að innihald vefsvæða okkar sé framsett á sem skilvirkastan hátt fyrir þig og tölvuna þína.	Við höfum lögmæta hagsmuni af því að vinna úr persónuupplýsingum í því skyni að geta boðið þér upp á vefsvæði sem sett er upp með skilvirkum hætti.
Til að gera þér kleift að taka þátt í könnunum og gagnvirkum eiginleikum á vefsvæðum okkar.	Við höfum lögmæta hagsmuni af vinnslu persónuupplýsinga til að geta gert þér kleift að taka þátt í könnunum og gagnvirkum eiginleikum á vefsvæðum okkar.
Til að vinna úr persónuupplýsingum þínum þar sem þess gerist þörf í því skyni að tryggja öryggi vefsvæða og rafrænna kerfa okkar.	Við höfum lögmæta hagsmuni af því að fylgjast með hvernig vefsvæði og rafræn kerfi okkar eru notuð, í því skyni að greina og koma í veg fyrir svik, annað ólöglegt athæfi og misnotkun. Í sumum tilvikum þurfum við hugsanlega að vinna úr upplýsingum með þessum hætti til að fylgja lögum sem krefjast þess að við tryggjum öryggi vefsvæða og rafrænna kerfa okkar.
Til að gera þér kleift að skrá þig og taka þátt í ráðstefnum og álíka viðburðum á okkur vegum, hvort sem er raun- eða netviðburðum.	Við höfum lögmæta hagsmuni af því að vinna úr persónuupplýsingum til þess að auðvelda umsjón með viðburðum og umsýslu.
Til að sameina upplýsingar sem okkur berast og við söfnum til að skilja áhugasvið þín og veita þér persónulegri upplifun.	Við höfum lögmæta hagsmuni af því að skoða það sem vafrahegðun þín eða önnur samskipti sem við höfum átt við þig eða fyrirtæki þitt segir okkur um áhugasvið þitt. Þannig getum við sérsniðið samskipti okkar við þig og mætt þörfum þínum (beint eða sem fulltrúa fyrirtækisins) með skilvirkari hætti, að því gefnu að slíkt sé í samræmi við val þitt á markaðssetningarefni.
Til að halda uppfærðan lista yfir þá sem ekki vilja láta hafa samband við sig, til að tryggja að við höfum ekki samband við þig hafir þú afþakkað það.	Með hliðsjón af góðum starfsvenjum við markaðssetningu höfum við lögmæta hagsmuni af því að vinna úr persónuupplýsingum í því skyni að halda uppfærðan lista yfir þá sem ekki vilja láta hafa samband við sig og tryggja þannig að við höfum ekki samband við þig hafir þú afþakkað það. Hafðu í huga að þó þú hafnir samskiptum í markaðssetningarskyni kunnum við samt að senda þér mikilvægar upplýsingar sem tengjast reikningum þínum hjá okkur. Í sumum tilvikum þurfum við hugsanlega að vinna úr upplýsingum með þessum hætti til að fylgja lögum eða uppfylla samningsskuldbindingar.
Til hönnunar á vörum okkar og þjónustu, og til þróunar á nýjum vörum og þjónustu.	Við höfum lögmæta hagsmuni af því að vinna úr persónuupplýsingum til að geta próað vörur okkar með sem skilvirkustum hætti og til að bæta vöruúrval okkar í viðskiptaskyni.
Til að stýra rekstri okkar með skilvirkum hætti, til dæmis hvað varðar umsjón með þjónustuveitendum, fjármál, öryggismál, upplýsingatækni, áþreifanleg grunnvirki og endurskoðun fyrirtækisins.	Þessi úrvinnsla er okkur nauðsynleg til að geta uppfyllt lagalegar skyldur, samningsbundnar skuldbindingar og/eða sem hluti af lögmætum hagsmunum okkar í rekstrar- og áhættustýringu.
Til að auðvelda aðgang, stjórnun og eftirlit á húsnæði okkar, til dæmis með	Við höfum lögmæta hagsmuni af því að gæta öryggis og tryggja skipulegan rekstur í húsnæði okkar.

Tilgangur	Rökstuðningur
Öryggismyndavélum, skráningu gesta og aðgangstækni.	
Til að halda skrár um heilbrigðis- og öryggismál, matsgerðir og álíka skráningar.	Við höfum lögmæta hagsmuni af því að stýra húsnæði okkar og rekstri með skilvirkum hætti og í samræmi við starfsvenjur í heilbrigðis- og öryggiseftirliti. Í sumum tilvikum þurfum við hugsanlega að vinna úr upplýsingum af þessu tagi til að fylgja lögum.

Þegar horft er til lögmætra hagsmuna hvað varðar úrvinnslu persónuupplýsinga þinna munum við leita þess að finna jafnvægi milli lögmætra hagsmuna okkar og þriðju aðila okkur tengdum annars vegar, og hagsmuna þinna, réttinda og frelsis til verndar persónuupplýsinga þinna hins vegar, til að tryggja að viðeigandi sé fyrir okkur að horfa á lögmæta hagsmuni okkar og um leið greina viðbótaratriði sem við þurfum að uppfylla til að réttu jafnvægi þessara atriða sé náð. Þegar við vinnum úr sérstökum flokkum persónuupplýsinga gerum við það í samræmi við gildandi lög og öflum samþykkis þíns þegar þess er krafist.

Nauðsynlegt er að fá persónuupplýsingar þínar þegar þörf er á upplýsingum til að gera samning, framfylgja fyrirliggjandi samningi, taka við umbeðnum vörum, þjónustu eða upplýsingum eða þegar uppfylla þarf gildandi lög og reglugerðir. Samþykkir þú ekki að veita þessar upplýsingar er okkur ókleift að veita vörurnar, þjónustuna eða upplýsingarnar sem farið er fram á eða uppfylla samningsbundnar skyldur okkar eða aðrar lagaskyldur.

Ekki er krafist þess að þú gefir upp persónuupplýsingar þínar í valfrjálsum tilgangi, svo sem vegna markaðssetningar. Markaðssetning fer fyrst og fremst fram gegnum tölvupóst, en stundum með bréfpósti eða gegnum síma. Þér er hvenær sem er heimilt að afþakka samskipti vegna markaðssetningar eins og lýst er nánar hér á eftir (Samþykki dregið til baka).

Með hverjum við deilum persónuupplýsingum

Persónuupplýsingar þínar eru ætlaðar T. Rowe Price og þeim kann að vera deilt með hlutdeildar- og dótturfélögum þess og, við ákveðnar aðstæður, með þriðju aðilum.

Við kunnum að deila persónuupplýsingum þínum með:

- **Fyrirtækjasamstæðu T. Rowe Price.** Við kunnum að deila persónuupplýsingum þínum með fyrirtækjasamstæðu okkar, þar á meðal dótturfélögum og hlutdeildarfélögum okkar, í því skyni að veita þér vörur og þjónustu, veita þér notendabjónustu, skilja áhugasvið þín, senda þér upplýsingar um vörur og þjónustu sem þér kunna að þykja áhugaverðar (með samþykki þínu þegar þess er krafist) og framkvæma aðrar þær aðgerðir sem lýst er í þessari persónuverndaryfirlýsingu.

Við kunnum einnig að deila persónuupplýsingum þínum með eftirfarandi þriðju aðilum:

- **Óháðum endurskoðendum, lagaráðgjöfum og öðrum fagráðgjöfum.**
- **Þjónustuveitendum okkar.** Við störfum með öðrum fyrirtækjum eða verktökum („Þjónustuveitendur“) sem veita þjónustu fyrir okkar hönd eða aðstoða okkur við að færa þér vörur eða þjónustu T. Rowe Price. Við kunnum að deila persónuupplýsingum með eftirfarandi flokkum þjónustuveitenda okkar:
 - Þjónustuveitendum á sviði tækni- og kerfisþjónustu;
 - Aðilum í markaðssetningu, auglýsingum, greiningu, rannsóknum, viðburðastjórnun og samskiptaveitum;
 - Aðilum sem annast umsjón með vörum eða þjónustu T. Rowe Price, svo sem flutningsaðilum, vörsluaðilum og aðilum sem sjá um verðlagningu verðbréfa.

Þessir þjónustuveitendur kunna að hafa aðgang að persónuupplýsingum þínum á þeim tímamarki sem þjónustan er veitt. Þjónustuveitendur okkar fá þó einungis þær upplýsingar sem nauðsynlegar eru svo þeir geti sinnt þjónustunni, þeir inna þjónustuna af hendi s amkvæmt leiðbeiningum frá okkur og við förum fram á að þeir noti persónuupplýsingar þínar ekki í neinum öðrum tilgangi. Við gerum ávallt allt sem í okkar valdi stendur til að tryggja að allir þjónustuveitendur sem við störfum með tryggji öryggi persónuupplýsinga þinna.

- **Þriðju aðilum sem heimilað er samkvæmt lögum.** Við ákveðnar aðstæður kann þess að vera krafist að við gefum upp eða deilum persónuupplýsingum þínum til að uppfylla lagalegar skyldur (til dæmis gætum við þurft að afhenda lögreglu, eftirlitsaðilum, opinberum yfirvöldum, dómstólum eða stjórnvöldum persónuupplýsingar). Við kunnum einnig að gefa þriðju aðilum upp persónuupplýsingar þínar ef slík birting er bæðilögleg og nauðsynleg til að vernda eða verja réttindi okkar, vegna þjóðaröryggis, löggæslu, til að framfylgja samningum okkar við þig eða til að vanda réttindi þín eða réttindi almennra borgara.
- **Fyrirtæki þínu eða fulltrúum og öðrum þriðju aðilum.** Við kunnum að flytja persónuupplýsingar þínar til fyrirtækis þíns eða annars fulltrúa, til dæmis ef þú ert aðili að tölvupósti ásamt öðrum, eða til að staðfesta upplýsingarnar þínar eða stöðu. Við kunnum einnig að flytja upplýsingar til þriðju aðila sem tengjast fyrirtæki þínu eða reikningi í tengslum við viðskipti okkar við þig eða fyrirtækið þitt.
- **Þriðju aðilum sem tengjast yfirfærslu fyrirtækja.** Við kunnum að flytja persónuupplýsingar þínar til þriðju aðila (þar á meðal fyrirliggjandi eða nýstofnaðra fyrirtækja innan T. Rowe Price fyrirtækjasamstæðunnar) ef um er að ræða endurskipulagningu, samruna, yfirtöku eða yfirfærslu eigna, svo framarlega sem sá aðili samþykkir að fara með persónuupplýsingar þínar í samræmi við þessa persónuverndaryfirlýsingu.

Hvar við vistum persónuupplýsingarnar þínar

Persónuupplýsingarnar sem við söfnum frá þér kunna að verða fluttar og geymdar á svæði sem er utan lögsagnarsvæðis þíns.

Ef þú ert innan Evrópska efnahagssvæðisins („EES“) þýðir það að persónuupplýsingar þínar kunna að verða fluttar, geymdar og opnaðar á svæði sem er utan Evrópska efnahagssvæðisins, þar með talið hjá T. Rowe Price Associates, Inc. í Bandaríkjunum. Einnig getur verið að starfsfólk utan EES sem starfar fyrir okkur, dótturfélag okkar eða fyrir einhvern af þjónustuveitendum okkar vinni úr þeim. Ef þú ert utan EES gildir ofangreint einnig, en því til viðbótar kann að vera að persónuupplýsingar þínar verði fluttar og geymdar á svæði innan EES.

Þegar um flutninga til lögaðila T. Rowe Price utan EES er að ræða er T. Rowe Price bundið af stöðluðum ákvæðum Evrópusambandsins um persónuvernd (í samræmi við c-lið 2. mgr. 46. gr. í almennu persónuverndarreglugerðinni) sem framkvæmdastjórn Evrópusambandsins metur sem svo að verji persónuupplýsingar með fullnægjandi hætti (eða öðrum viðeigandi öryggisráðstöfunum) til að tryggja að upplýsingarnar þínar séu nægilega vel varðar. Þú getur óskað eftir afriti af þessum öryggisráðstöfunum með því að hafa samband við okkur eins og lýst er hér á eftir (**Hafa samband**).

Valkostir þínir og persónuverndarréttindi

Þú hefur ýmis réttindi í tengslum við úrvinnslu okkar á persónuupplýsingum þínum og eru þau öll útskýrð hér á eftir. Ef þú óskar eftir að nýta þér neðantalín réttindi skaltu senda beiðni um slíkt á netfangið Global_Privacy@troweprice.com. Láttu nafn þitt, netfang og póstfang fylgja, sem og þau atriði sem þú ferð fram á og aðrar þær upplýsingar sem við gætum þurft á að halda til að verða við beiðni þinni eða vinna úr henni að öðru leyti.

- **Aðgangur.** Þú kannst að hafa rétt til að fá staðfest hjá okkur hvort unnið er úr persónuupplýsingum þínum, og ef svo er, að fara fram á aðgang að þeim upplýsingum, þar á meðal að fá upplýsingar um hvaða gerðum persónuupplýsinga unnið er úr, upplýsingar um tilgang úrvinnslunnar og upplýsingar um viðtakendur persónuupplýsinganna, eða flokka þeirra. Við þurfum þó einnig að hafa

hagsmuni annarra aðila í huga og því er þessi réttur ekki órávíkjanlegur. Óskir þú eftir meira en einu afriti innheimtum við hugsanlega þóknun.

- **Leiðrétting.** Þú kannt að hafa rétt á að leiðrétta persónuupplýsingar þínar ef þær eru rangar eða ófullnægjandi.
- **Eyðing.** Þú kannt að hafa rétt á að biðja okkur að eyða persónuupplýsingum sem tengjast þér. Okkur ber þó ekki skylda til að verða við því ef við þurfum að geyma slíkar upplýsingar til að uppfylla lagalega skyldu eða til að koma á, nýta eða verjast réttarkröfum.
- **Takmörkun.** Við ákveðnar aðstæður kann að vera að þú hafir rétt til að fara fram á að við takmörkum úrvinnslu persónuupplýsinga þinna. Þetta kann að eiga við ef þú telur að upplýsingamar séu rangar, úrvinnsla þeirra sé ólögleg eða við þurfum ekki lengur að vinna úr slíkum upplýsingum í ákveðnu skyni, en lög eða aðrar skuldbindingar heimila okkur ekki að eyða upplýsingunum eða þú óskar ekki eftir því að við eyðum þeim. Í slíkum tilvikum merkjum við persónuupplýsingamar þannig að ljóst sé að ákveðin úrvinnsla í ákveðnum tilgangi sé takmörkuð í samræmi við beiðni þína, eða takmörkum úrvinnslu þeirra með öðrum hætti.
- **Flutningur.** Þú kannt að hafa rétt á að fá eigin persónuupplýsingar sem þú hefur áður veitt okkur á skipulegu, algengu, tölvulesanlegu sniði, og þú kannt að hafa rétt á að senda þessar upplýsingar til annars lögaðila.
- **Mótmæli.** Við ákveðnar kringumstæður og á grundvelli aðstæðna þinna kannt þú að hafa rétt á að mótmæla úrvinnslu okkar á persónuupplýsingum þínum, þar á meðal gerð persónusniðs, og hægt er að fara fram á að við hættum úrvinnslu persónuupplýsinga þinna. Þetta kann að fela í sér að krafist sé mannglegra inngripa í tengslum við sjálfvirka ákvarðanatöku (þegar slíkt á við) til að gera þér kleift að tjá skoðun þína og véfengja úrskurði.
- **Kvörtun lögð fram.** Þú hefur einnig rétt á að leggja fram kvörtun til lögbæra gagnaverndaryfirvalda, Commission Nationale pour la Protection des Données (CNPD) í Lúxemborg eða Information Commissioner's Office (ICO) í Bretlandi. Ef þú ert annars staðar á Evrópska efnahagssvæðinu (EES) eða í Sviss, eða atvikið sem þú vilt kvarta yfir átti sér stað á því svæði, má sjá lista yfir gagnaverndaryfirvöld á þessum svæðum [hér](#). Ef þú ert á einhverju öðru svæði en tilgreint er hér fyrir ofan, eða ef atvikið sem þú vilt kvarta yfir átti sér stað á einhverju öðru svæði skaltu hafa samband við okkur eins og lýst er hér á eftir (Hafa samband).

Ef við vinnum úr persónuupplýsingum þínum á grundvelli samþykkis þíns til að senda þér markaðsefni hefur þú rétt á að afturkalla samþykki þitt hvenær sem er. Ef þú vilt afturkalla samþykki þitt og hafna því að fá markaðsefni frá okkur skaltu fylgja leiðbeiningum sem finna má í tölvupóstinum eða leiðb einingum um hvernig á að hætta í áskrift („unsubscribe“) á vefsvæðinu þar sem þú skráðir þig í áskrift að ákveðnu efni (eftir því sem við á). Við biðjum þig að sýna því skilning að þótt þú hafnir því að fá markaðsefni frá okkur eða hættir í áskrift að slíku efni kunnum við þó að hafa samband við þig varðandi atriði sem tengjast reikningi þínum, viðskiptasambandi, virkni og öðrum samskiptum við okkur.

Hve lengi við geymum persónuupplýsingar þínar

Við geymum persónuupplýsingar þínar aðeins eins lengi og það er nauðsynlegt til að uppfylla þann tilgang sem upplýsinganna var aflað í, og að því marki sem gildandi lög leyfa. Þegar við þurfum ekki lengur að nota upplýsingarnar þínar munum við fjarlægja þær úr kerfum okkar og skrá og/eða grípa til aðgerða til að gera þær ópersónugreinanlegar (nema okkur sé skylt að geyma upplýsingarnar þínar til að uppfylla lagalegar skyldur eða reglugerðir sem gilda um okkur).

Öryggi

Við beitum tæknilegum öryggisráðstöfunum og öðrum öryggisráðstöfunum innan fyrirtækisins til að tryggja öryggi persónuupplýsinga sem við höfum umsjón með. Þessar ráðstafanir eru meðal annars að takmarka aðgang að persónuupplýsingum þannig að eingöngu starfsmenn, verktakar og samþykktir þjónustuveitendur sem þurfa að fá aðgang að upplýsingunum í þeim tilgangi sem lýst er í þessari persónuverndaryfirlýsingu geti nálgast þær, vegna þjálfunar starfsmanna okkar og verktaka, og aðrar tæknilegar, stjórnunarlegar og efnislegar öryggisráðstafanir.

Þar sem internetið er opinn vettvangur samskipta og ýmsir aðrir áhættuþættir geta verið til staðar getum við ekki tryggt að upplýsingar sem fluttar eru eða geymdar í kerfi um okkar séu ávallt varðar gegn árásum annarra aðila, svo sem tölvuþrjóta, þrátt fyrir að við gerum allt sem í okkar valdi stendur til að vemma kerfi okkar, vefsvæði, aðgerðir og upplýsingar gegn óheimilum aðgangi, notkun, breytingum eða birtingu.

Uppfærslur á þessari persónuverndaryfirlýsingu

Þessi persónuverndaryfirlýsing er rituð á ensku og kann að verða þýdd á önnur tungumál. Ef ósamræmi er milli ensku útgáfu þessarar tilkynningar og þýðingar á henni gildir enska útgáfan.

Við áskiljum okkur rétt til að breyta persónuverndaryfirlýsingu okkar öðru hvoru. Við leitumst við að gera þér grein fyrir efnislegum breytingum sem við ákveðum að gera á persónuverndaryfirlýsingu okkar, til dæmis með því að tilkynna þér um breytingamar með tölvupósti og/eða með því að birta viðvörðun á heimasíðu viðkomandi vefsvæðis og/eða með því að grípa til frekari aðgerða eins og gildandi lög krefjast.

Ábyrgðaraðilar

T. Rowe Price International Ltd	60 Queen Victoria Street London EC4N 4TZ Bretland
T. Rowe Price UK Limited	60 Queen Victoria Street London EC4N 4TZ Bretland
T. Rowe Price (Luxembourg) Management S.à.r.l.	35, Boulevard du Prince Henri L-1724 Luxembourg Lúxemborg
T. Rowe Price (Switzerland) GmbH	Talstrasse 65 8001 Zurich Sviss
T. Rowe Price SICAV(s)*	35, Boulevard du Prince Henri L-1724 Luxembourg Lúxemborg
T. Rowe Price FCP(s)*	35, Boulevard du Prince Henri L-1724 Luxembourg Lúxemborg
T. Rowe Price OEIC(s)*	60 Queen Victoria Street London EC4N 4TZ Bretland

*Fjárfestingarfélag sem starfa í Lúxemborg og Bretlandi og sem við veitum þjónustu, m.a. fjárfestingarstýringu.

Hafa samband

Sendu okkur tölvupóst á netfangið Global_Privacy@troweprice.com ef þú hefur einhverjar spurningar varðandi þessa persónuverndaryfirlýsingu og/eða varðandi persónuverndarstefnur og starfshætti þjónustuveitenda okkar.

Upplýsingar um Global Privacy Office (skrifstofu alþjóðlegrar persónuverndar) eru eftirfarandi:

Global Privacy Office
T. Rowe Price
60 Queen Victoria Street
London
EC4N 4TZ
Global_Privacy@troweprice.com

Þessi persónuverndaryfirlýsing var uppfærð 1. mars 2019.